



Pikkorissaanermut pilersaarut

Pikkorissaaneq sivikitsoq: Pinngortitap pisuussutaanik aqutseqatigiinneq Sullissineq pillugu Pikkorissaaneq Issittumi Universititip neqeroorutaa

Pikkorissaanermut pilersaarutip eqikkarneqarnera. Pikkorissaaneq taanna pisuussutini uumassusilinnik suleqatigiilluni aqutsinermut misissuisarnermullu tunngasunik pingaarnepaanik ilisarititsiviussaaq. Peqataasussat tassaapput pinngortitap pisuussutaanik pisortani aqutsisuusut, inoqarfinnillu aallaaveqarluni sulineq qitiutinneqassaaq, Masterinnngorniarlutillu ilinniartut peqataassallutik. Pikkorissaanermi peqataasut peqatigiilluni aqutsineq pillugu isumaliutersuutini suleriaatsinillu tunngaviumik ilisimasaqalersinneqassapput. Kiisalu, nunat inoqqaavisa nunaqqatigiillu ilisimasaat qanoq atorneqartassanersut misissuataarneqassaaq, pisuussutini uumassusilinnik naligiinnerusumik kiisalu piujuartitsinermik tunngaveqarluni aqutsineq siuarsarumallugu. Aammattaaq avinngarusimasuni piujuartitsineq, pinngortitamillu aallaaveqarluni aningaasarsiornikkut ineriartortitsineq qanoq siuarsarneqarsinnaanersut peqataasunut isummorsorfigitinneqassaaq. Pikkorissaanermi suleqatigiilluni pisuussutini aqutsineq aammalu nunat inoqqaavisa nunaqavissullu ilisimasaat pillugu ilisimatuussutsikkut oqallinnerit peqataasunut oqallisigitinneqassapput, tamatumalu peqatigisaanik Issittumi pisuussutini uumassusilinnik aqutsineq pillugu nalunaarsuineri aqutseqatigiinnermilu periaatsinik tigussaasunik peqataasut misilittagaqalersinneqassallutik.

Qaagu. 22-24 October 2019

Pikkorissaavik. Pinngortitaleriffik, Nuuk Kalaallit Nunaat

Tunuliaqutaq. Kalaallit Nunaanni Issittup sinneranisulli avatangiisit qanoq issusii pillugit oqartussat paasinninnerisa nunaqavissullu ilisimasaasa paasinnittaasiisalu assigiinnngissinnaasarnarat pissutigalugit piffiit ilaanni nunaqqatigiit akornanni avaangusuunnerit pilersarput, taamaalillunilu naalakkersuisut aalajangiinerinut akuersarneq paasinninnerlu killeqalersarluni (Polar Geogr. 37:69, 2014).

Suleqatigiilluni aqutsinerit misissuisarnerillu aqutigalugit Issittumi nunat inoqqaavisa aammalu aalisartut piniartullu inuussutissarsiornernikkut avatangiisinut allanngulertoqisunut naleqqussarnissaannut iluaqutaasinnaapput, tamatumalu peqatigisaanik uumassusillit illersorneqarsinnaallutik kiisalu pisuussutit uumassusileqarfiillu piujuartitsinermik tunngaveqarluni atorneqarsinnaassallutik (Coastal Mngt. 35:143, 2007; Mar. Pol. 35:440, 2011).

Aqutseqatigiinikkut najukkami piginnaasat qaffassarneqarsinnaapput kiisalu pinngortitap pisuussutaanik aqutsinermut akuunerulersitsisisoqarsinnaalluni saniatigullu pisuussutini atuisut, ilisimatuut aqutsisullu akornanni paaseqatigiinniarluni oqaloqatigiinnermik nukittorsaasinnaalluni. (Cons. Biol. 23:31, 2009).

Nunat inoqqaavisa nunaqavissullu ilisimasaat pisuussutini uumassusilinnik pitsaasunik

aqutsinermi pinngitsoorneqarsinnaangillat iluaqutaaqalutillu. Nunat inoqqaavisa nunaqavissullu ilisimasaat aammalu ilisimatuut misissuisarneri tapertariissinnaalluarput, peqatigiillutillu aqutsinermik pisuussutinillu atuineramik piffissamut naleqqunnerulersitsillutillu pitsaanerulersitsisinnaallutik.

Suleqatigiilluni aqutsineq misissuisarnerillu annertusineqassappata, siammarneqassappata pilerisaarutigineqassappatalu pisuussutinik aqutsisut ilisimatuullu amerlanerusut pisuussutinik aqutsinermi peqataatitsinermik aqutissiuisinnaasut, piviusunngortitsisinnaasut ulluinnarnilu sulineri suleriaatsinik atuilersitsisinnaasut amerlanerusariaqarput.

Nunarsuarmi uumassuseqassutsip siammarsimassusia ukiuni 25.000-ini silap allanngornerata nassataanik aatsaat taama allanngortigilerpoq. Najukkami avatangiisit allanngoraangata, uumasut qaqqani qullartertarput, imaani itinnittarlutik, qalasarsuarnullu qanillatserterlutik. Nunarsuatsinni tamarmi uumassusillit siammarsimassusiisa allanngornerat aningaasarsionermut, niuernerumut, inuit atugarissaarnerannut, naalakkersuinerumut, uumassusileqarfinnut allaammi silamut imminermut sunniteqalersimaqaat (Science 355:1389, 2017). Uumasut siammarsimassusiannut allanngulertoqisunut uumassusilinnik aqutsineq naleqqussarsinnaassappat allannguutinik maluginiagaqarnermiit iliuuseqarnermut pilertortumik qisuariartarnissaq pisariaqarpoq. Aaqqiissutissatut siunnersuutigineqartoq ataaseq tassaavoq suleqatigiilluni pisuussutinik misissuisarnikkut aqutsinikkullu nunat inoqqaavi, tunisassortut, nunaqqatigiit aammalu ilisimatuut ataatsimoortinnerisigut aalajangiinerit pisassasut.

Issittumi Universititi (UArctic) nunat tamalaat akornanni suleqatigiiffimmik pilersitsilerpoq, tassa UArctic Thematic Networkimik tuluttut taasamik, taannalu Issittumi pisuussutinik suleqatigiilluni aqutsineq pillugu assigiinngitsunik suliallit pikkorissarfisassavaat.

Suleqatigiinnikkut Kalaallit Nunaanni assigiinngitsunik suliallit pikkorissarneri siuttuuffigineqassapput. Pikkorissaaneq Nordisk Fond for Miljø og Udvikling (NORDECO)-imit (Avatangiisinut Ineriartortitsinermullu Nunat Avannarliit Aningaasaateqarfiannit), Kalaallit Nunaanni Silap Pissusianik Ilisimatusarfimmit, Hokkaido Universiteti aqutugalugu Japanimi Issittumik Misissuisoqarfimmit, kiisalu University Alaska Fairbanksimit ineriartortinneqarpoq.

Misiligutagalugu ilinniartitsinermi tassannga misilittakkat Issittumi tamarmi pikkorissaanermik pitsanngorsaanermi UArctimiit atorineqarumaarput. Pikkorissaanermi ilinniartitsissutissat iluarsaatat UArctip nittartagaani akeqanngitsumik UArcticip suleqataanut atugassanngortinneqassapput.

Pikkorissaanermi siunertat anguniakkallu. Pisuussutinik uumassusilinnik aqutseqatigiinnermut misissuisarnermullu peqataasut piginnaanngorsarnissaat pikkorissaanermi siunertarineqarpoq. Peqataasut pisortat pisuussutinik aqutsineranni sulisuusut, tassanilu nunaqqatigiinnik aallaaveqarluni sulineq, kiisalu Kalaallit Nunaanni Masterinngorniarlutik ilinniartuusut salliutinneqassapput.

Pikkorissaanermi piginnaasat tunngaviusut tunniunneqassapput kiisalu Issittumi pinngortitap pisuussutaanik peqatigiilluni aqutsineq pijuartitsinissarluni tunngavigalugu nunaqqatigiit inuuniarnerat siammassissumik anguniarlugu nalilersuilluarluni isumaliorsinnaassuseq ineriartortinneqassalluni. Kalaallit Nunaanni Issittumilu misilittakkat piginnaasallu iluatsilluarfiusut aallerfigineqassapput.

Pikkorissaanermi nunani tamalaani ilisimatusarneq isumaliortarnerlu toqqammavigineqaraluartut peqataasut Issittumi misilittakkanik nalilersuillutillu avitseqatigiinnissaat kajumissaarutigineqassaaq.

Pikkorissaanermi siunertarineqartut:

- Inoqarfinni avinngarusimasuni piujuartitsinissamik tunngaveqarluni aningaasarsiornikkut ineriartortitsineq siuarsarniarlugu pinngortitap pisuussutaanik aqutseqatigiinneq misissuisarnerlu tunngaviusut paasisaqarfigissallugit
- Pinngortitap pisuussutaanik tunngaveqarluni aningaasarsiornikkut ineriartortitsineq aammalu naligiisitsilluni avatangiisinillu piujuartitsilluni pisuussutinik aqutsineq siuarsarniarlugit nunap inoqqaavisa nunaqavissullu ilisimasaannik atuilluni suliffimmi piginnaasanik ineriartortitsineq
- Ilinniartunik allanik inunnillu piginnaasalinnik oqalliseqateqarnikkut pinngortitap pisuussutaanik siammasinnerusumik tunngaveqarluni aqutsineq Kalaallit Nunaanni Issittumilu inoqarfinni napaniutigineqartunut sunniuteqartoq tapertaasorluunniit paasisaqarfigissallugu

Pikkorissaanermi peqataasut makkuninnga piginnaasaqalersinissaat anguniarneqarpoq:

1. Inoqarfinni avinngarusimasuni piujuartitsinissamik tunngaveqarluni pinngortitap pisuussutaanik atuilluni aningaasarsiornikkut ineriartortitsineq siuarsarniarlugu pinngortitap pisuussutaanik aqutsinermit misissuisarnermilu suleriaatsit assigiinngitsut ilisimasaqarfigilernissaat;
2. Pinngortitap pisuussutaanik aqutsineq misissuisarnerlu tapersersorniarlugit peqataatitsinermit sakkussat assigiinngitsut atorsinnaalernissaat, ilimatuussutsikkullu nunat inoqqaavisa nunaqavissullu ilisimasaasa imminnut ineriartorteqatigiinnissaat ilanngullugu;
3. Nunaqatigiinni aqutissiinerup, siuttutut piginnaanerit, nalilersuilluarluni isumaliortarnerup, periusissiorluni pilersaarusiortarnerup pisariaqartinneqarnera paasilluassallugu; aammalu suleqatigiilluni aqutsinermit malinnaavigininnermilu sakkussat assigiinngitsut qanoq sunniuteqarneri atorfiilu ilisimassallugit; aamma
4. Pinngortitap pisuussutaanik suleqatigiilluni aqutsineq misissuisarnerlu pillugit nunani ataasiakkaani nunanilu tamalaani politikkut periusissiallu paasisimasaqarfigilissallugit.

Ilinniarnermi pissarsiassat. Ilinniartitsinerup naanerani peqataasut makkuninnga piginnaasaqalersimassapput:

- Inoqarfinni avinngarusimasuni piujuannartitsinermik tunngaveqarluni aningaasarsiornikkut ineriartortitsineq siuarsarniarlugu pisuussutinik uumassusilinnik aqutseqatigiinnermik misissuisarnermillu aqutissiuisinnaanngorsimassalluni
- Piujuannartitsinermik tunngaveqarluni pisuussutinik atuinerup siuarsarneqarnerani sunniuteqarluarluni peqataasinnaalissalluni
- Suliassaqarfinni assigiinngitsuni, aamma pisuussutinik atuisut, nunat inoqqaavisa suliniaqatigiiffiisa, ilisimatuut kiisalu najukkami qitiusumillu naalakkersuisut akornanni pisuussutinik uumassusilinnik aqutsineq pillugu oqaloqatigiinneq suleqatigiinnerlu siuarsarniarlugit pitsaasumik iliuuseqarneq kajumissaarutigissallugu

Pikkorissarnerup immikkoortui. Pikkorissaaneq sisamanik immikkoortoqassaaq:

- Immikkoortoq 1. Kalaallit Nunaanni, Issittumi allanilu pisuussutinik uumassusilinnik aqutsinerit misissuisarnerillu ingerlareersut
- Immikkoortoq 2. Kalaallit Nunaanni, Issittumi allanilu pisuussutinik uumassusilinnik suleqatigiilluni aqutsineq misissuisarnerlu
- Immikkoortoq 3. Pisuussutinik uumassusilinnik suleqatigiilluni misissuisarnerup suliassartai paasillugit

- Immikkoortoq 4. Kalaallit Nunaanni, Issittumi allanilu suleqatigiilluni aqutsinermut misissuisarnermullu atatillugu aqutsinerup oqallisigineqarnera paasineqarneralu

Pikkorissaanermi periaatsit. Toqqaannartumik ilinniartitsisoqartassaaq, immikkoortullu amerlanerit sungiusaatiniq suliaqarfiusassapput (ataasiakkaarluni, marlukkaarluni eqimattakkaarlunilu) assigiinngitsunik takissusilikkuutaanik. Saqqummiinerit, oqallinnerit nalilersuinerillu peqataalluni ilinniarnermut tapertaassapput. Ilinniartitsissutigineqartut pisunik piviusunik takussutissiorneqartassapput kiisalu Issittumiit nunarsuullu ilaannit allanit assersuuteqarfigineqartassallutik. Pikkorissaanermi danskisut oqaatsit atorineqassapput kalaallisuumut tuluttuumullu nutserisoqartarluni.

Sivisussusissaa. Ulluni pingasuni ullormut akunnerit 8.

Ilinniartitsisut ilisimasortallu.



Dr.scient. [Finn Danielsen](#) uumassusileqarfinnik ilisimasaliuvoq peqataatitsilluni uumassusilinnik misissuisarnermik aammalu nunaqqatigiinnik aallaaveqarluni pisuussutiniq uumassusilinnik aqutsinermik pingaartitsilluartuulluni. Nordisk Fond for Miljø og Udvikling (Denmark) (Avatangiisinut Ineriartortitsinermullu Nunat Avannarliit Aningaasaateqarfianni (Danmark) uumassusileqarfinnik ilisimasaliuvoq



Inuit atugaannik ilisimatooq [Martin Enghoff](#). Kalaallit Nunaanni, Ruslandimi allanilu najukkami ineriartortitsinermik, suliffeqarfiit sulisinnaassusiannik, peqataatitsilluni ineriartortitsinermi piginnaangorsaaneramilu sakkussanik suliaqartarpoq.



Ilisimatooq misissuisartoq [Lene K. Holm](#). Lene Kalaallit Nunanni Issittumilu nunaqqatigiit aallaavigalugit ilisimatusarnermik aamma misissuinermik misilittagaqarluarpoq, tassa ICC-mi kiisalu [Kalaallit Nunaanni Silap Pissusianik Ilisimatusarfiani Inuit](#) atugaannik misissuiffimmi suliaqartarnini aqqutigalugit. Issittumi Nunat Inoqqaavisa Ilisimatusarnikkut Ataqtigiissaarivianni suleqataavoq.



[Mark Nuttall](#) Silap Pissusianik Ilisimatusarfimmi, Pinngortitaleriffimmiittumi Nunattalu Ilisimatusarfiani Professoritut atorfeqarpoq. Ukiorpassuarni nunatsinni allanilu nunani issittuni inuiaqatigiilerinermut tunngasunik ilisimatusartarsimavoq misilittagaqarfigilluakkaminik.



Ababsi - Bjarne Lyberth 2014-imiit KNAPK-mi Biologeq Siunnersortaaneq. [KNAPK](#)-mi Ababsi Qalerallinniarneq pillugu Siunnersuisooqatigiinni aamma Piniarneq pillugu Siunnersuisooqatigiinni ataqtigiissaarisuvuq.



Dr Shuhei Takahashi, (community-science collaboration expert) Hokkaido Sea Ice Museum

Atuagassat.

Armitage, D., Berkes, F., & Doubleday, N. (Eds.). (2010). *Adaptive co-management: collaboration, learning, and multi-level governance*. UBC Press.

Berkes, F., & Armitage, D. (2010). Co-management institutions, knowledge, and learning: adapting to change in the Arctic. *Etudes/Inuit/Studies*, 34(1), 109-131.

<https://www.erudit.org/en/journals/etudinit/2010-v34-n1-etudinit3992/045407ar/>

Danielsen, F. et al. (2009). Local participation in natural resource monitoring. *Conserv. Biol.* 23: 31–42.

<http://www.monitoringmatters.org/publications/Danielsen%20et%20al%20%202008%20Local%20participation%20%20%20%20ConsBiol.pdf>

Danielsen, F., Topp-Jørgensen, E., Levermann, N., Løvstrøm, P., Schiøtz, M., Enghoff, M. and Jakobsen, P. (2014). Counting what counts. *Pol. Geogr.* 37: 69–91.

http://www.monitoringmatters.org/articles/CountingWhatCounts_PISUN_PolarGeography372014.pdf

Danielsen, F., Fidel, M., Johnson, N.J. et al. (2018). *Community based monitoring programmes in the Arctic: Capabilities, good practice and challenges*. Bergen: INTAROS.

https://intaros.nersec.no/sites/intaros.nersec.no/files/D4_1_updated_1.pdf

Holm, L. K. *Kalaallit Nunaanni piniakkanik iluaquteqarneq*. Grønlands Naturinstitut.

Nuttall, M. (2018). Self-determination and indigenous governance in the Arctic. In *The Routledge Handbook of the Polar Regions* (pp. 93-106). Routledge.

Nuttall, M. et al. (2005). Hunting, herding, fishing and gathering: indigenous peoples and renewable resource use in the Arctic. *Arctic Climate Impact Assessment*, 649-690.

http://www.acia.uaf.edu/PDFs/ACIA_Science_Chapters_Final/ACIA_Ch12_Final.pdf

Plummer, R. (2009). The adaptive co-management process: an initial synthesis of representative models and influential variables. *Ecol. Soc.* 14(2). <https://www.ecologyandsociety.org/vol14/iss2/art24/>

Naliliinerit tikkuussisut. Peqataasut pikkorissarnerminnik naammassinnilluartut Pinngortitap pisuussutaannik suleqatigiilluni aqutsineq kiisalu nunaqqatigiit uumassusilinnik misissuisarnerat pillugu Uarcticip Suleqatigiiffiannit angusaqarsimanerminnik allagartartaassapput (PDF Certificate of Achievement from the UArctic Thematic Network on Collaborative Natural Resource Management and Community Observing). Pikkorissartunik ataasiakkaanik naliliinermi makku tunngavigineqassapput: a) Pikkorissarnerup qiteqqunnerani suliaq (25%); b) Pikkorissarnerup naanerani naliliineq (75%). Naliliineq pikkorissarnermi piffissalerneqassaaq. Naliliisussat tassaapput ilinniartitsisut ilisimasalittallu.

Toqqaanermi tunngavigisat. Pikkorissarnermut tassunga peqataassagaanni pinngortitap pisuussutaannik aqutseqatigiinnermut peqataanissaq pisariaqarpoq. Peqataasut pinngortitap pisuussutaannik aqutseqatigiinnermi innuttaasunik akuutitsiviusuni peqataaqqullugit kajumissaarneqassapput. Peqataasussat peqataanermikkut suliamik qanoq pitsanngoriaateqassasorinninnerminnik nassuiaanissaat naatsorsuutigineqarpoq.

Pikkorissarnissamut peqataasussanik toqqaanermik UArcticimiit makku tunngavigineqassapput:

- Qinnuteqartoq aqutseqatigiinnermut nukittorsaaqataasusaaq
- Qinnuteqartut pikkorissarnermi paasisaminnik piviusunngortitsisinnaassusiat allanullu ingerlatitseqqissinnaassusiat
- Qinnuteqartup suliasai – pikkorissarnerup kingorna piginnaasat ilisimasallu atorluarniarlugit suliaqarnerulernissamut periarfissaqarpa
- Qinnuteqartup soqutiginnissusia kajumissusialu – qinnuteqartoq pinngortitap pisuussutaanik aqutseqatigiinnermut tunngasunik suliffimmini namminerisaminik suliniuteqarsimava?
- Qinnuteqartoq allanik peqataatitsiviusumik pinngortitap pisuussutaanik aqutseqatigiinnermi suleqataasariaqarpoq suleqataanissaminilluunniit pilersaaruteqartariaqarluni
- Qinnuteqartup kattuffianit tapersersuinerup annertussusia
- Pikkorissarnerup kingorna qinnuteqartup ilikkakkaminik atuinissanut naammattumik qularnaarisoqarsimassasoq

Peqataasussanik toqqaaniarnermi arnat angutillu naligiinnissaat pingaaruteqarpoq.

Qinnuteqartut aningaasaliiffigineqarnerat. Pikkorissarnermik annermik aningaasaliissuusapput Danmarkip Naalagaaffiata UArcticimut aningaasaateqarfia kiisalu EU-mit suliniut [INTAROS](#).

Qinnuteqaatit. Qinnuteqaatit immersoriikkat uunga nassiukkisigit Finn Danielsen (fd@nordeco.dk). Qinnuteqarnissamut killigititaq July 29, 2019.

Peqataasunut aaqqissuussinerit.

Najugaqarneq, nerisat tamalaallu. Peqataasut Nuup avataaneersut qanittumi ineqartinneqassapput pikkorissarnerlu qanilleriarpat inissaat nalunaarutigineqassallutik. Nerisanut aningaasartuutaajunnartunullu allanut naammattumik matussutaasussamik pikkorissarnersiuteqartitsisoqassaaq.

Timmisartukkut angalanerit. Peqataasut Nuup avataaneersut akikinnermik angalanissaannut akiliussisoqassaaq. Nassatat oqimaappallaarneri, aningaasartuutaajunnartut aammalu timmisartukkut ilaaffissanik allanngortitsinerit peqataasunit namminernit akisussaaffigineqassapput.

Sillimmasiissutit. Pikkorissarnermut atatillugu angalanermut sillimmasernissartik peqataasut namminneq akisussaaffigissavaat pikkorissaqataasullu ajoqusernerinut aaqqissuisut akisussaatinneqarnaviararik. Peqataasut aningaasaliiffigineqarsimanermik angalanermilluunniit nalaani inuttut sillimmasersimanissaat (sulisutsisuisa namminerluunniit akiligaanik) kaammattuutigissavarput.

Pilersaarut. Malugeqqussavarput pilersaarut naammassineqarluni UArcticimi suleqataanillu piareersarneqalissammat.

Pikkorissarnermi aningaasartuutit. Pikkorissarnermut aningaasartuutit aamma peqataanermut akiliutit matussuserneqassapput. Ineqarnermut nerisaqarnermullu aningaasartuutit (Nuup avataaniit peqataasunut) aamma matussuserneqassapput.

Paasisutissat sukumiinerusut. Sukumiinerusumik paasisaqarusukkuitt attaviguuk Finn Danielsen (fd@nordeco.dk).

Pikkorissarnermut qanoq qinnuteqassaanga?

Qinnuteqarsinnaavutit qinnuteqarfissaq matuma kingulianiittut immersoriarlugu tapersiissutimillu allakkamik ilallugu qinnuteqarnissamut killigititaq ulloq **July 29, 2019** nallertinnagu nassiullugu. Nalunaarut manna pikkorissarnermik nalunaarutaavoq qinnuteqaqqusillunilu kajumissaarutaalluni.

QINNUTEQARNERMUT IMMERSUGASSAQ

Immersugassakkut siunertarineqartoq

- Peqataasussat sulinerminni piginnaanerminnik atorluanerpaassanersut paasiniarneqassaaq
- Nukiit atorluarneqarnerpaaffissaminni atorneqarnissaat qularnaarniarneqassaaq.

Tunniussinissamut killigititaq. Immersugassaq tamakkerlugu immersoriarlugu (aamma allakkamik tapersiissummik ilallugu) emailikkut fd@nordeco.dk ulloq **July 29, 2019** nassiunneqarsimassaaq.

1. Arnaq / angut _____
2. Ateq: _____
3. Kinguliaq: _____
4. Suliffeqarfiup aqqa _____

Pisortaqarfik imaluunniit
Naalakkersuisoqarfik _____

Najugaq: _____

Oqarasuaat: () _____

Email address

Atorfik _____

Atorfinni suliat (Atorfinni suut suliarisarnerlugit naatsumik oqaluttuariuk).

(MALUGIUK Sulisitsisumiit tapersiissut inussiarnersumik ilannguteqquneqarpoq)

Aningaasaliiffissatut kissaatigineqartut: Angalaneq

Piginnaasat (Aamma allagartat/uppernarsaatit allat kiisalu suliffimmi pikkorissarnerit misilittakkalluunniit allat naleqquttut)

Piginnaasat	Suliffik	Ulloq tiguneqarfia

Tunngavilersuut.

Pikkorissarnermut sooq peqataajumanersutit ilikkakkatillu qanoq atorniarnertit allaaseriuk.

Pikkorissarnermut kissaatit (piumagaani immersugassaq). Pikkorissarnermut pilersaarummi sammisassatut allassimasut saniatigut pikkorissarnermi sammisassanik allanik kissaateqarpit?

**Suliffinni qullerisarisavit aqqa
emailialu**_____.

Uppernarsaaneq

Uppernarsarpara paasissutissat qinnuteqarfissami uani tunniunneqartut tamarmik ilisimasakka naapertorlugit tamakkiisuummata eqqortuummatalu, aammalu paasissutissat eqqortuunngippata tamakkiisuunngippatalu pikkorissarnermik aqutsisut peqataanissannik itigartitsisinnaammata. Allakkat tapersiissutit eqqaamaqquneqarput.

Qinnuteqartup atsiornera

Ulloq